

Resúmen

Enkargo i investigashon

Riba 4 di òktober 2022 sekretario di Infrastruktura i Kalidat di Awa (IenW) i Inspeksion di Medioambiente i Transporte (ILT) a pidi pa hasi un investigashon riba otorgamentu di pèrmit, supervishon i mantenshon (di lei) (VTH) na Boneiru, Sint Eustatius i Saba. E sekretario di estado a pidi pa duna rekomendashonnan pa mehorá e sistema i introdusí asina yamá 'checks and balances'. A ehekutá e investigashon den koordinashon ku minister di Naturalesa i Nitrógeno di ministerio di Agrikultura, Naturalesa i Kalidat di Alimento (LNV).

E rapòrt akí ta kumpli ku e petishon i ta limitá su mes na implementashon di e tareanan di VTH relashoná ku konstrukshon, medioambiente i naturalesa di parti di Entidat Públiko Sint Eustatius (OLE). Pa e investigashon e tim di proyekto di ILT i LNV a hasi 2 bishita na Sint Eustatius. Ademas a tene entrevista i studia dokumento i rapòrt. Empleadonan di OLE, sin duda, a suministrá informashon pa e investigashon i a pèrkurá pa e tim di proyekto por a entrevistá personanan deseá.

Resultadonan

ILT ta konkluí ku implementashon di tareanan di VTH relashoná ku konstrukshon, medioambiente i naturalesa na Sint Eustatius no ta kumpli ku e rekisitonan legal i ordenansanan lokal. E konklushon akí ta basá riba e siguiente opservashonnan.

En general

- Kolegio ehekutivo a stipulá e 'Programa di Ehekushon Supervishon i Mantenshon', no a stipulá e 'Dokumentu di maneho Supervishon i Mantenshon'.
- A realisá separashon entre otorgamentu di pèrmit i supervishon pa medio di asignashon di nan serka diferente empleado. Falta 'Checks and balances' manera prosesonan di trabou stipulá i evaluashon kolegal.
- OLE no ta hasi uso di sistemanan digital pa implementashon di otorgamentu di pèrmit, ehekushon di supervishon i mantenshon verifikabel. Registrashon di dokumento ta sosodé di forma uniforme, pero no ta kompleto.
- OLE no ta enfoká riba ehekushon di e tareanan di VTH.
- Dunadónan di pèrmit i supervisornan nan ku nan mes ta organisá koordinashon, falta un aserkamentu integral pa dosiénan kompleho.

Otorgamentu di pèrmit

- Ta otorgá pèrmitnan di konstrukshon segun un asina yamá konsepto di 'flow-chart'. Den 2020, un dunadó di pèrmit eksterno kontratá, a otorgá 1 pèrmit di molèster. Ta duna pèrmitnan di naturalesa pa investigashon sientífiko.
- OLE no tin un bista aktualisá di kompanianan ku na e momentunan akí ta obligá di tin pèrmit i ku tin mester di un pèrmit ambiental despues ku e Dekreto Desishon di Establesimentu i Aktivitat (IAB BES) drenta na vigor.

Ehèmpel

Durante di konstrukshon di Golden Rock Resort a otorgá pèrmit di konstrukshon pa kada fase di konstrukshon. Pa diferente aktivitat mester a pidi i otorgá pèrmitnan di naturalesa tambe. Esaki no a tuma lugá.

Supervishon

- No a nombra un inspektor pa supervishon di kumplimentu ku e pèrmitnan di molèster.
- Tin 1 inspektor di konstrukshon ku ta ehekutá supervishon 2 dia pa siman riba pèrmitnan di konstrukshon.
- No a nombra un inspektor ku ta ehekutá supervishon riba kumplimentu ku pèrmitnan di naturalesa.

Ehèmpel

Na e Sentro di desperdisio tin un operator den servisio ku segun OLE ta supervisá tambe riba kumplimentu ku e reglanan di e pèrmit di molèster. E operator ta bisa ku ta e unidat di VTH mester hasi supervishon. Den práktika e unidat di VTH i e operator no ta tene supervishon riba kumplimentu ku e reglanan di pèrmit.

Mantenshon

- Violashonnan konstatá ta sigui, OLE no ta aktua den kuadro di mantenshon di lei.

E kousanan di esaki

OLE ta hañ'é konfrontá ku diferente punto problemátiko ku ta stroba ehekushon adekuaado di VTH. ILT ta distinguí diferente motibu al respekto.

Personal i organisashon

- E unidat di VTH pa largu tempu no tin un mèneder, di manera ku e unidat aki no haña guia. Empleadonan no ta traha segun un planifikashon stipulá i ta reashoná solamente riba petishon, denuncia òf keho.
- Tur proyekto di desishon ku presentá na gobièrnu mester tin un konseho di e sekshon di Asuntunan Hurídiko. E sekshon akí ta konsistí di 1 empleado, di manera ku e preshon di trabou ta grandi i ta surgi retrasonan.

Rekurso- i prosesonan

- E unidat di VTH no tin sistemanan di apoyo digital pa VTH i pa registrashon i archivamentu di dokumento. Pa e motibu falta konosementu i bista general.

Kultura i influensia atministrativo

- Empleadonan di e unidat di VTH no ta sinti ku nan tin sosten di mandatarionan ora di ehekutá nan tareanan riba tereno di supervishon i mantenshon. Pa e motibu ei nan ta aktua ku reserva ora ta trata supervishon i mantenshon.

Embolbimentu di Gobièrnu Sentral

- Na 2018 Gobièrnu Sentral a interviné i suspendé e gobièrnu lokal temporalmente for di su funshon. Apesar di e intervenshon akí, OLE no ta ehersé e tareanan di VTH pa konstrukshon, medioambiente i naturalesa sufisientemente.
- A posponé repetidamente e fecha di entrada na vigor di e IAB BES. Pa e motibu ei ta surgi un akstitut di sinta warda serka empresarionan i OLE relashoná ku petishonnan pa i otorgamentu di pèrmitnan di molèster. OLE a duna eksplisitamente di konosé ku e ta wardando riba entrada na vigor di e IAB BES i ku te ku e momento ei no ta duna pèrmit di molèster.

Konklushon

Ehekushon di e tareanan di VTH di parti di OLE no ta na òrdu. Den e organisashon falta ademas 'checks and balances'. E interesnan ku leglashon riba tereno di konstrukshon, medioambiente i naturalesa ta pretendé di protehé, no ta ser protehé òf no ta ser protehé sufisientemente. Debí na hopi kousa, tin bia fuertemente ligá na otro, tin mester di un kambio fundamental den ehekushon di e tareanan di VTH pa logra mehorashon.

Rekomendashonnan

ILT ta hasi e siguiente rekomendashonnan pa logra mehorashon den ehekushon di e tareanan di VTH relashoná ku konstrukshon, medioambiente i naturalesa.

Rekomendashon 1 (Gobièrnu Sentral)

Pone ehekushon di e pakete di tarea komplemento di VTH pa konstrukshon, medioambiente i naturalesa riba término kòrtiku bou di 1 servisio ambiental (OD) eksistente na Hulanda Oropeo. Asina ta garantisá konosementu, eksperensia i kontinuidat i ta logra tene gobièrnu na un distansia.

- Konforme e situashon na Hulanda Oropeo e kompetensia i responsabilidat final ta keda serka e entidat públiko, e servisio ambiental ta ehekutá e tareanan. Entidat públiko ta duna e direktor di e servisio ambiental akí mandato pa firma pèrmitnan i desishon nan di mantenshon (di lei).
- Kuminsá inmediateamente ku inventarisashon i eliminashon di retraso den dunamentu di pèrmit serka OLE ku apoyo di i bou di guia di e servisio ambiental. Sòru pa embolbí organisashonnan di naturalesa i konseheronan na tempu den e proseso di VTH.
- Debí na e distansia fisiko grandi ku Sint Eustatius mester tin atenshon speshal pa ehekushon práktiko di e tareanan di VTH. Por realisá pa medio di estrecho embolbimentu di e aktual dunadónan di pèrmit i supervisoran di OLE den ehekushon di e tareanan di parti di e servisio ambiental.

Rekomendashon 2 (OLE)

Atendé e puntonan problemátiko den e organisashon atministrativo di EPB rápido i dirigí, den estrecho kooperashon ku e servisio ambiental. Apesar di rekomendashon 1, EPE lo keda ehekutá un parti di e proseso di VTH.

- Personal i organisashon: Duna prioridat na rekrutashon di un mèneder di e seksion di VTH.
- Guia: stipulá anualmente prioridatnan. Mara esakinan na un planifikashon konkreto di trabounan. Ehekutá e trabounan i vigilà nan progreso.
- Uso di ICT: Hasi un eskoho kla pa sistemanan di apoyo. Pèrkurá pa duna empleadonan instrukshon i guia nan pa nan hasi uso konsekuente di e sistemanan akí.

Rekomendashon 3 (Gobièrnu Sentral i OLE)

Pèrkurá, den estrecho koordinashon ku OLE, pa lei i legishon aktualisá i adekudo pa konstrukshon, medioambiente i naturalesa.

- Spesifikamente pa konstrukshon: Hasi uso di e kódigo di BES pa konkretisá e eksigensianan funshonal di e desishon di konstrukshon (EPE) i ankra e kódigo akí den un Areglo Ministerial (Gobièrnu Sentral).
- Spesifikamente pa medioambiente: Pèrkurá pa e IAB BES drenta rápido na vigor, di manera ku por regulá kompanianan ku e tin efekto ambiental potensial mas grandi.
- Spesifikamente pa naturalesa: Evaluá si mester asigná áreanan delikado i zonan delimitá (Gobièrnu Sentral).

Rekomendashon 4 (Gobièrnu Sentral)

Fortalesé posishon di Representante di Reino pa implementashon di e tarea di IBT.

- Stipulá un kuadro di maneho pa aplikashon di instrumentonan di IBT.
- Pèrkurá pa nombra supervisoran pa aporte atministrativo di e Representante di Reino ora di ehersé su tarea di IBT.